



Tlaltlanawatilli

**Yankuik Tlanawatili kimoyajkej
Mexkotekichiwanij
ipan 26 itekij Febrero meetstli 1992 xiwitl.**

Nejtolli Tlen Motekiwijtlok



Tlen sanok kisenkajkej wan kimoyajkej DOF 09-07-1993.



Mexko Tlalli Tlatilanketl,
Presidencia de la República.

Carlos Salinas de Gortari: Tlanawatijketl tlen
Mexko Tlalli Tlatilanketl, kinilwia imasewalwaj:

Kineki ma nimechmatilti ni tlanawatilli.

Ijtolli:

Mexko tekikalko tlanawatilpan kijtowa:

Tlaltlanawatilli



Tokanejtölli tlen se

Ixnexitilli tlen ika tlayekanas

Tlanawatilli 1. Ni Tlaltlanawatilli tlen tlatsinkuitok ipan Mexko Tlanawatilamatl tlapowaltlanawatilli 27, ma kiijtakan wan nochi kiixmatikan mexkoewanin.

Tlanawatilli 2. Tlen amo ijkuijtok ipan ni tlanawatilli, kualli moixpatlas tlen moneki ipan chinanko wan ipan tlen tlanamakalli wan ipan sekinok tlamantli.

Kemaj moyejyekojtias axkayotl tlen ipan motekiwis ni tlanawatilli kej mookualtekiwis ipan altepetl, momanawis tlalnamilistli tlen moijtowa ipan yajmaxtik Tlanawatili tlen kampa mochantisej.

Tlanawatilli 3. Mexko Tlanawatijketl kiyekanas tekitl iniwaya tekichiwani tlen Tlatokanejtölli wan tlen Tlatilanketl, kiwikasej ni tlanawatilli kampa inijwantij tekichiwaj.

Tokanejtolli tlen ome

Kej moskaltis wan kej mosesenkawas miltekitl

Tlanawatilli 4. Mexko Tlanawatijketl kiyekanas sentik wan san se iskaltilli tlen mochiwas ipan nochi miltekitl wan tlen chinanko tekittl kejnopa kualnesis nochi masewalnemilistli wan nochi kej tlatekipanowan ipan Mexko nemilistli.

Tlanawatilli 5. Ipan tekitikapan wan ipan tlatilantli inintechpowi tlen Mexko amajitalli kijitas kenijkatsaj momokuitlawis wan momanawis tlen onkaj ipan tlaltepaktli wan kiyekanas se kualli tlatekiwilli.



Tokanejtolli tlen eyi

Tlen almontlalli wan chinanko

Tlen se tokajnejtolli

Tlen almontlalli

Tlen se ixelka

Tlen nochi moixnextis

Tlanawatilli 9. Masewalmej tlen kipiaj almontlalli no kipiaj tlanawatilli wan tlalaxkayotl wan tlen maaxkatjtok tlalli ika seyok tlamantli.

Tlanawatilli 10. Almontlalli motekiwaya kej kiijtowaj almonpixkemej, axakaj welis kintopewas ipan inintekij. Inintlanawatil moamatlalis ipan Amakistiloyan tlen Mexko Tlalamakalko wan kipixtos tlen ika motlakxitis ipan panolistli wan nemilistli tlen itstokej ipan almontlalli, kemaj se akajka motlanilijkia achi tlalli, wajka mokawa kej se almompixketl san tlen kena monekis kitokilis almonpixketl itlanawatil, kejni ika kualli motekiwis, nojkia moneki moixpantis ipan tlanawatilli.

Tlen ome ixelka

Tlen almompiyanij wan asinij

Tlanawatilli 12. Almompixketl tlakatl wan siwatl tlen kipiaj tlalaxkayotl.

Tlanawatilli 13. Asinij tlen itstokej ipan almontlalli, nopa tlen tlakatinij ipan mexkotlalli, tlen wejweyintin itstokej se o miyak xiwitl ipan chinanko almontlalli wan kisilijkejya ipan se tlanotsalli tlen kichiwaj almonpiyanij o ipan se tlaltekitikapan. Ni asinij nokualmakaj ika ni axkayotl tlen tlanawatilli kinaxkatiya.

Tlanawatilli 14. Intechpowi almonpiyanij kitekiwisen almontlalli, tlen tlanawatilpan kiijtojtok.

Tlanawatilli 15. Tlen moneki tijtokilis tlan tijneki tielis se almompixketl.

- I. Tlaj timexko ewa wan tikaxitijtok xiwitl o tlen welli xiwitl, tlan tikimpanoltia mochanewaj wan.



Tlanawatilli 16. Tlen tlaya ika moixpantia almompixketl.

- I. Ika tlamatiltlalaxkayotl tlen kisenkajtok tlanawatijketlen itechpowi.
- II. Ika tlamatiltlalkojtoktli axkayotl o tlen sentik axkayotl.
- III. Ika se nechikolsanilli kampa kiwasanijtokej tlanawatiyanij.

Tlanawatilli 17. Almompixketl kualli kijtos ajkaya kimakatewas almontlal wan sekinok tlaltij, san tlen kena moneki ma mochiwa se amatlalilli kampa ixnesisej masewalmej inintokaj tlen kinmakatekas itlalamaj, moneki kualli ma kintekpanas. Kemas mikis kualli kinmakasej isiway, iompakasiwa, iwewej se ikonej, itayawaj o seyok masewalli.

Tlanawatilli 18. Keman almompixketl akitlalijtok wan axkiamatlalijtok kan se iteixmatkan ankij kikawilijte was ialmontlal, wajka tlalaxkayotl moijitas ajkeya kixkatisen:

- I. Isiwaj;
- II. Imekaj;
- III. Se almompixketl ikonej;
- IV. Se weyitata;
- V. Seyok masewalli; tlen kimpalewitijwala;



Eyi ixelka

Kej motekipanowa almontlalli

Tlanawatilli 21. Kej motekipanowa almontlalli:

- I. Sentilistli;
- II. Almontlaltekiwej; wan
- III. Tlalmokuitlawijketl.

Tlanawatilli 23. Nopa sentilistli moneki mochiwas itlajtlajkoxiwitijaj, achi ajachika keman kej ni kineki o kej ni momajtokej.

Tlen II tokajnejtoll

Tlen se ixelka

Tlanawatilli 43. Ni almomtlaltinij wan tlatskitokej ipan ni tlanawatilli tlen kimaktilijtokej chinanko almontlalli.

Tlanawatilli 44. Kej kiyejyekoj ni tlanawatilli almontlaaltinij, kej motekiwis, kej ni moxelojtok:

I. Tlalli kampa mochantisej;

II. Komontlalli; wan

III. Tlalkojkotoktli.

Tlanawatilli 48. Ajkeya nelia moaxkatijtok almontlalli kampa amo mochantlalisej o kampa kuayoj tlan moaxkatij ika pakualli ika 5 xiwitl moaxkatis o tlaj tikiskis ika kualantli ika majtaktli xiwitl timoaxkatis.



Eyi ixelka

Kampa tlantias wan ipan tlaya motekiwis almontlalli

Tlanawatilli 56. Sentilli tlen kichiwaq almompixkemej, ika kualmatilli kiitaj tlen pano ipan tlanawatilli 24, 28 wan 31 tlen eltok ipan ni tlanawatilli ken ni welis kiiptos ken motekiwis tlalli tlen amo mokokototstok.

Tlanawatilli 58. Keman tlasentilli temajmakas tlalkojkotoktli; mochiwas ken ixnesi ipan tlalamatl tlen almontlalli.

Makuili ixelka

Tlen komontlalli

Tlanawatilli 73. Tlen komontlalli eli se kuali se tlapalewilli pampa ipan tekitises ika mopanoltises wan kinyolchikawas masewalmej tlen itstokej ipan chinanko almontlalli.

Chikuasej ixelka

Tlen tlalkojkotoktli

Tlanawatilli 76. Almonpiyanij kipiāj axkayotl tlen ika mopalewisej wan kitekiwises nojkia ika mopanoltisej tlen tlaelis ipan ni tlalli.

Tlanawatilli 77. Axkeman welis tlasentilli yonopa talmokuitlawiketl kitekiwis, moaxkatis o kiijtos ma kisentikatekiwikaj tlen nopa tlalkojkotoktli.

Makuilli tokajnejtollī

Tlen chinankomej

Tlanawatilli 98. Kemaj kiasijka techpowilli kualia moixmatis ken se chinanko sentik tlanawatiltlalli moneki kej ni mochijtia:

1. Se tekinemilli tlen tlalnawatilli, kampa moaxkatis chinanko.



Tlanawatilli 99. Tlen tlanawatilli kitemachia chiananko, ya ni:

- I. Tlaltlanawatilamatl kimakatok tlanawatilli chinanco.
- II. Kualia kipixtosej se tlanawatijketl tlen kimokuitlawis chinanko tlalli ajkaya kiixpantis wan kiamasenkawas.

Tlanawatilli 100. Chinanko kiijtos kenijkatsa kitekiwis wan kixexelos tlalli, kixexelos tlen iwejwexka monekis motekiwis wan kenijkatsa welis motekiwis nochi axkayotl.

Tlanawatilli 106. Nochi tlalli tlen san masewaltsitsin inintechpowi moneki kimanawisej tekichiwanij kej kiyejyekojtok tlanawatilli tlen kiamaketstok Tlanawatilli 4°.

Tetomitl

Asinij. Vecindados.

Amaketstli. Reglamento.

Almontaltekiwej. Comisariado.

Almontlalli. Ejido.

Almonpixketl. Ejidatario.

Almonpiyanij. Ejidatarios.

Imekaj. Concubina.

Ikonewaj. Descendientes.

Iweytatawaj. Ascendientes.

Komontlalli. Tierras de uso común.

Mexko Chimalli. Escudo Nacional.

Mexko Tlalli Tlatilanketl. Estados Unidos Mexicanos.

Motlalaxkatiyanij. Posesionarios.

Sentilli. Asamblea.

Tlantias. Delimitación.

Tlalkojkotoktli. Tierras parceladas.

Tlalmokuitlawijketl. Consejo de Vigilancia.

Tlaltlanawatilli. Ley Agraria.

Tlen sanok kisenkajkej wan kimoyajkej.
Última reforma publicada.



DISTRIBUCIÓN GRATUITA San temajmakaj

Este programa es público, ajeno a cualquier partido político. Queda prohibido su uso para fines distintos a los establecidos en el programa.